



Broj: 02-37-927/19  
Fojnica: 24.09.2019. godine

Na osnovu člana 8. Zakona o ministarskim, vladinim i drugim imenovanjima u Federaciji BiH („Službene novine Federacije BiH“, broj: 12/03 i 65/13) i člana 9. Odluke o postupcima i kriterijima imenovanja na pozicije u reguliranim organima općine Fojnica, broj: 01-05-678-6/14 od 29.05.2014. godine, Općinski načelnik općine Fojnica, objavljuje:

### JAVNI OGLAS

za izbor i imenovanje članova Upravnog odbora JU Predškolski odgoj i obrazovanje djece Fojnica

1. Objavljuje se Javni oglas za izbor i imenovanje članova Upravnog odbora u JU Predškolski odgoj i obrazovanje djece Fojnica i to:

- dva (2) člana, ispred osnivača,
- dva (2) člana, predstavnika roditelja/staratelja
- jedan (1) član, predstavnik zaposlenika predškolske ustanove

### I - OPIS POZICIJE

Upravni odbor je organ upravljanja ustanovom i obavlja slijedeće poslove: donosi statut ustanove uz saglasnost osnivača, donosi godišnji program rada; razmatra i prihvata izvještaje o ostvarenju godišnjeg programa rada ustanove; razmatra rezultate predškolskog odgoja i obrazovanja; razmatra plan upisa djece, imenuje i razrješava direktora ustanove te vršioca dužnosti direktora ustanove; objavljuje oglas te provodi proceduru za prijem odgajatelja, stručnih saradnika i ostalih zaposlenika; odlučuje o žalbama u povodu oglasa; odlučuje o žalbama i prigovorima zaposlenika te njihovim pravima, obvezama i odgovornostima iz radnog odnosa; odlučuje o prigovoru roditelja na rad i odnos zaposlenika prema djeci; donosi poslovnik upravnog odbora ustanove; na propisan način donosi odluke o statusnim promjenama na koje je data saglasnost i prijavljuje njihov upis u registre te obavlja poslove u skladu sa zakonom i statutom ustanove.

Izbor i imenovanje članova Upravnog odbora vrši se na period od 4 godine, od dana konačnog imenovanja članova Upravnog odbora.

### II – USLOVI ZA IMENOVANJE

Kandidat mora ispunjavati opće i posebne uslove kako slijedi:

a) Opći uslovi za imenovanje:

- da je državljanin Bosne i Hercegovine,
- da nije mlađi od 18 godina, niti stariji od 65 godina,
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u razdoblju od tri (3) godine prije dana objavljivanja ovog oglasa,
- da nije pod optužbom Međunarodnog suda za ratne zločine u bivšoj Jugoslaviji (član IX. 1 Ustava Bosne i Hercegovine),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine,
- da nije izabrani zvaničnik, nosilac izvršnih funkcija ili savjetnik u smislu člana 5. Zakona o sukobu interesa u institucijama vlasti u Federaciji Bosne i Hercegovine,
- da nema privatni finansijski interes u instituciji u kojoj se kandiduje
- da nije osuđivan za krivično djelo i privredni prestup, a što čini nespojivim kandidovanjem na poziciju koja se objavljuje ovim oglasom,
- da nije član više od jednog Upravnog ili Nadzornog odbora, odnosno odbora za reviziju,

b) Posebni uslovi za imenovanje:

- da kandidat za člana ima visoku stručnu spremu VII stepen, odnosno visoko obrazovanje prvog, drugog ili trećeg ciklusa studija po Bolonjskom sistemu studiranja, viša stručna sprema –VI stepen, srednja stručna sprema (samo za kandidata iz reda uposlenih ukoliko javna ustanova nema lice sa visokom ili višom stručnom spremom),

- da ima najmanje tri godine radnog iskustva u struci,
- da ima određene organizacijske i komunikacijske sposobnosti za obavljanje dužnosti na poziciji za koju se kandidira,
- da posjeduje sposobnost nepristrasnog donošenja odluka i naklonjenost timskom radu.

### III – POTREBNA DOKUMENTACIJA

Uz prijavu na javni oglas kandidati su dužni priložiti sljedeću dokumentaciju (orginal ili ovjerena kopija):

- Kraću biografiju, adresom i kontakt telefon,
- Izvod iz matične knjige rođenih,
- Uvjerenje o državljanstvu,
- Dokaz o stručnoj spremi - ovjerena kopiju diplome,
- Uvjerenje o radnom iskustvu u struci.
- Uvjerenje da se ne vodi krivični postupak od nadležnog suda ne starije od 3 mjeseca,
- Ovjerenu Izjavu kandidata da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u razdoblju od 3 godine prije dana objavljivanja upražnjene pozicije,
- Ovjerenu Izjavu kandidata da nije pod optužbom Međunarodnog suda za ratne zločine u bivšoj Jugoslaviji (član IX. 1 Ustava Bosne i Hercegovine),
- Ovjerenu Izjavu kandidata da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine,
- Ovjerenu Izjavu kandidata da nije izabrani zvaničnik, nosilac izvršne vlasti ili savjetnik u smislu člana 5. Zakona o sukobu interesa u institucijama vlasti u Federaciji Bosne i Hercegovine
- Ovjerenu Izjavu kandidata da nema privatni, finansijski interes u javnoj ustanovi za koji se kandiduje,
- Ovjerenu Izjavu kandidata da nije član Upravnog ili Nadzornog odbora u više od jednog Javnog preduzeća ili institucije,

### IV – OSTALE NAPOMENE

Dokumenti kojima se dokazuje ispunjavanje općih i posebnih uslova ne mogu biti stariji od šest mjeseci. Podnosioci prijave sa kojima se ne stupa u kontakt u roku od 10 dana od dana isteka roka za podnošenje prijave na Javni oglas, neće biti uzeti u razmatranje u daljem postupku imenovanja, a za kandidate koji su uredno pozvani, a nisu se pojavili na intervju smatrat će se da su odustali od prijave.

Sa kandidatima koji budu ispunjavali uslove propisane Javnim oglasom za članove Upravnog odbora obaviti će se intervju.

Javni oglas ostaje otvoren 15 (petnaest) dana od dana objavljivanja u „Službenim novinama Federacije BiH”, dnevnom listu i web stranici Općine Fojnica.

Rok za podnošenje prijave računa se prema datumu objave oglasa u glasilu koje zadnje objavi oglas.

Prijave sa traženom dokumentacijom mogu se dostaviti u zatvorenoj koverti na protokol Općine ili preporučeno poštom na adresu:

OPĆINA FOJNICA  
ulica Bosanska 94, 71270 FOJNICA

sa naznakom: Komisija za izbor članova Upravnih odbora Javnih ustanova kojima je osnivač općina Fojnica

„Prijava na javni oglas u upravni odbor u JU Predškolski odgoj i obrazovanje djece Fojnica“, ne otvarati

Neblagovremene i nepotpune prijave neće se uzeti u razmatranje.

Komisija će uz poštovanje principa utvrđenih Zakonom, dostaviti Općinskom načelniku listu uspješnih kandidata radi upućivanja prijedloga Općinskom vijeću na usvajanje.

### DOSTAVITI:

1. Službene novine FBiH
2. Dnevni list
3. web stranica Općine Fojnica
3. a/a

### OPĆINSKI NAČELNIK

\_\_\_\_\_  
**Sabahudin Klisura, dipl. ing.**